

Mugardos, 12 de xuño de 2018

Estimadas familias:

Poñémonos en contacto con vostedes para ofrecervos informacións sobre o final de curso e outros asuntos importantes de cara ao vindeiro curso como a xestión das axudas de libros de texto.

En primeiro lugar, comunicámoslles que as actividades académicas rematarán o xoves, **21 de xuño**. Ao longo da mañá desenvolveranse no centro as actividades culturais de fin de curso entre as que salientamos a entrega do *VII Premio Estudo e Deporte*. Esa xornada o transporte escolar realizará o derradeiro servizo nos horarios e percorridos habituais.

**A entrega dos boletíns de notas realizarase o luns, 25 de xuño**, a partir das 12:00 horas, nas aulas de referencia de cada grupo. Os alumnos/as poden vir acompañados polos seus pais. O profesorado estará ao longo desa mañá no centro para resolver calquera consulta ou dúbida sobre as cualificacións. Lembrámoslles, asemade, que **non** existe transporte escolar para ese día nin para os exames de setembro.

**O prazo legal de reclamacións abrangue os días 26 e 27 de xuño**, das 10:00 ás 14:00 h.

<b>21 de xuño</b> ____	ACTO CULTURAL:	10:00 – 12:00	Actuacións e traballos escolares
		12:30 – 13:00	Recreo-Recepción de autoridades
		13:00 – 14:15	<i>Premio Estudo e Deporte</i> .
<b>22 de xuño</b> ____	Fin do prazo de solicitude de participación no fondo solidario de libros de texto e axudas para adquirir libros de texto e material escolar.		
<b>25 de xuño</b> ____	Entrega das notas: 12:00 horas (titores/as nas aulas). Data límite da devolución de libros de texto das materias aprobadas. Comezo das listas do Banco de Libros (ANPA)		
<b>26-27 de xuño</b> ____	Reclamacións.		

Para rematar, a dirección do centro, en nome do persoal non docente, do claustro de profesores/as e en especial dos titores/as, quere agradecerlles ás familias todo o seu interese e cooperación ao longo deste curso para acadarmos conxuntamente os obxectivos académicos e formativos dos seus fillos e fillas. As nosas portas permanecen abertas na procura da mellora permanente do servizo educativo do IES de Mugardos.

Serafin Álvarez  
Director do IES de Mugardos

## Libros de texto - Bolsas e axudas de estudo 2018-2019

### FONDO SOLIDARIO E AXUDAS OFICIAIS

O vindeiro curso terán continuidade os seguintes programas oficiais:

- Fondo solidario de libros de texto \_\_\_\_ 3.º e 4.º ESO
- Axudas para adquirir material escolar \_\_\_\_ todos os cursos da ESO

As condicións de renda e contías pódense consultar na páxina do instituto ou da Consellería de Educación. Do mesmo xeito, o impreso de solicitude pódese solicitar no centro, descargar da páxina web do instituto ou da Sede Electrónica da Xunta de Galicia (código do procedemento ED330B). O prazo de presentación, preferentemente na secretaría do centro, remata o 22 de xuño.

### DEVOLUCIÓN DOS LIBROS DE TEXTO

Un dos requisitos imprescindibles para recibir as axudas dos programas oficiais é a de devolver os libros de texto adquiridos coas axudas do ano pasado. Oficialmente, o prazo para ter entregados os libros das materias aprobadas remata o 22 de xuño. Os libros das materias pendentes poderán conservarse ata que se examine na convocatoria de setembro.

**Para facilitar a devolución, recolleremos todos os libros de texto deica a data da entrega das notas, prevista para o 25 de xuño. Para iso pregamos que os depositen na conserxaría dentro dunha bolsa co nome do alumno ou alumna no exterior.**

### DEVOLUCIÓN ORDENADORES E-DIXGAL (1.º e 2.º ESO)

O alumnado de 2.º ESO que aprobe todo en xuño deberá devolver o todo o equipamento informático entregado este curso. No caso de materias pendentes conceráselle unha prórroga ata setembro.

O alumnado de 1.º ESO que aproba todo en xuño ten dúas posibilidades. A primeira e recomendable, entregalo no centro para a súa custodia ata o comezo do vindeiro curso. A segunda, non entregalo no centro e gardalo na casa do mesmo xeito que o alumnado de 1.º ESO con materias pendentes para setembro.

### BANCO DE LIBROS (ANPA)

Á parte destes programas oficiais, seguirá funcionando o **Banco de Libros** da ANPA dirixido a todas as familias de 3.º e 4.º ESO e tamén Bacharelato que voluntariamente queiran entregar e recibir libros de texto.

### AXUDAS CONCELLO DE MUGARDOS

Ademais, o **Concello de Mugardos** adoita realizar a convocatoria anual de axudas para o ensino e o transporte con dúas quendas de solicitude: unha en xullo e outra en setembro.

### BOLSAS DE ESTUDO (Bacharelato. FP Básica)

A solicitude de bolsas de estudos para bacharelato e FP Básica realízase a través do servizo online do Ministerio de Educación, xeralmente aberta desde mediados de agosto ata finais de setembro.

### LIBROS E MATERIAL ESCOLAR PARA O VINDEIRO CURSO

A listaxe de libros de texto por materias e cursos estará dispoñible na secretaría e na páxina web do centro a partir do 28 de xuño. Adiantámoslle que non haberá cambios importantes con respecto aos manuais deste curso que remata.